

www.BibleForChildren.org

San Mateo 8



Eyi tonati satepa okatka se ilwitl kan monamiktlo itech se altepetl de Caná itech tlali de Galilea. Iwa imamá n Jesús ompa okatka. Jesús iwa itlamachtijkawah noiwa okintlalwijkeh itech non ilwitl.



Iwa ijkuak otlanki n vino, imamá n Jesús okiliko:
—Ayakmó kipiah vino. Pero imamá n Jesús okinmili
non tetlamakatokeh: —Xikchiwakah nochi tlan Ye
nomechilis.



Jesús okinmili non olatetekatokah:
—Xikintetemitikah ika atl n ajpasteh.
Yejwah okintetemitijkeh asta opiaujkeh,
ijkuakó Jesús okinmili: —Axa xikkixtikah
siki iwa xikwikilikah akin kiyakantok n
ilwitl. Yejwah ijko okichijkeh.



Akin otlayakantoka itech ilwitl okiyeko n atl, non Jesús okíkopki vino. Ye amo okimatia de kan owala, sanwel okimatiah non otlatetekatokah porke yejwah okikixtijkeh non atl.



Ijkuakó n tlayakantok okínotski n novio, iwa okili:
—San akin yetos achto kitemaka n kualí vino, iwa
ijkuak n tlatlálwilteh
satlawel yokonikeh,
ijkuakó kinmajmakah
ok se vino. Pero te sikin
otikkixtiko non okachi
kualí vino.



Itech Caná de Galilea, Jesús okichi non sikinika milagro. Ika non milagro omotak milák weletini, yika itlamachtijkawah okineltokakeh.



Jesús oyá icha n Pedro, iwa ompa
okajsito imona n Pedro wetok ika
miak totonik.



Jesús okimakitski, iwa n totonik okiski. San nima n siwatl omej iwa opé kitekichiwilia.



Ijkuak okalak tonati iwa opé tleyua, okwalinwikilijkeh n
Jesús nochteh n kokoxkeh iwa non okimpixtokah
espíritus amokualteh.

Iwa nochteh non
ochantitokah itech non
altepetyl, omoololojkeh
kaltempa.



Jesús okimpajtih miakeh kokoxkeh. Noiwa okinkixti miakeh espíritus amokualteh iwa amo okinkawiliaya matlajtokah, porke yejwah okixmatiah.



Nochteh okinekiah kitelkoskeh n Jesús,
porke ika iweletilis okimpajtiaya.



Ijkuakó nawi tlakah okwalikilijkeh
n Jesús se tlakatl non osentitikak.



Amo oweletkeh okikalakijkeh itech
kali kan Jesús okatka, porke miaktikeh
tlakah ompa omoolojkeh.
N tlakah okikuatlapojkeh n
kali iwa ik ompa okitemowijkeh
n kócoxki ika nochi
ikuaujtlapech.




Ijkuak Jesús okitak nonteh tlakah milák okineltokayah,
okili n kócoxki: —Nokone,
nimitstlapojpolwia de
motlajtlakolwah.


—Te nimitsilia,
ximewa, xikajkokui
mokuaujtlapech
iwa xiajti mocha.



Jesús iwa itlamachtijkawah otlejkokeh itech barka iwa oyajkeh. San nima owala se ejekatl chikaktik iwa n atl opé motlatlawiteki itech barka iwa opé atemi. Pero Jesús okochtoka.



Ye okinmili: —¿Tleka nonmomojtiah? ¡Wel achitsi nomotlaneltokalis! Jesús owalmóketski iwa okitlakawalti n ejekatl iwa n atl, iwa san owaltlamoka. Omotlajtlachialtijkeh iwa okijtoayah: —¡Akí nin tlakatl, porke asta n ejekatl iwa n atl kitlakitah!



'Totajtsi Dios saikpanoa okintlasojtlak
n tlaltikpaktlakah, yika okitemakti non
sanwel Ye se Ikone, para nochteh
akimeh kineltokaskeh amo
mamoixpolokah, yej makipiakah se
yankuik nemílistli non ayik tlami.

40

60



Romanos 3:23

Porke nochteh otlajtlakolchijkeh, iwa okimopolilijkeh iweyijkachiwalis Dios.

Romanos 6:23

Porke n tlajtlákoli tetlaxtlawia ika mikílistli, pero tlan Dios kitetliokolia ye n nemílistli non ayik tlami keman tiseititokeh iwan Toteko Cristo Jesús.

Hebreos 9:27

Tejwah tinochteh timikiskeh san se welta, iwa satepa Dios techixkomakas.



Efesios 2:8,9

Yika por itlasojtlalis Dios, nomejwah ononmomakixtijkeh por ononkinetokakeh, amo nomotech kisa, yej porke Dios onomechtliokoli. Amo onomechmaktijkeh n temakixtílistli por ononkichijkeh tlan kualí, para amaka mamoweyili.

Romanos 10:9,10

Tla ika mokamak tikijtos Cristo Jesús ye Moteko, iwa itech moyolo tikneltoka Dios okiyoliti de kan mikemeh, Dios mitsmakixtis. Porke ika moyolo titlaneltoka iwa Dios mitsita tichipawak, pero ika mokamak tiktematiltia tikneltoka Cristo para mitsmakixtis.



San Juan 3:16,17

'Totajtsi Dios saikpanoa okintlasojtlak n tlaltikpaktlakah, yika okitemakti non sanwel Ye se Ikone, para nochteh akimeh kineltokaskeh amo mamoi XPolokah, yej makipiakah se yankuik nemílistli non ayik tlami. Dios amo okwáltítlanki Ikone para kintlajtlakoltis n tlaltikpaktlakah, yej okwáltítlanki para kinmakixtis.

1 Juan 5:11-13

Ijkó Dios yokijto: tejwah yotechmák toyolilis non ayik tlami, iwa nin yolílistli kajki itech Ikone Cristo Jesús. Yika, akin kipia Ikone Dios, kipia yolílistli, pero akin amo kipia Ikone Dios, amo kipia nin yolílistli. Nomechintlajkuililia ninteh tlájtolteh nomejwah akimeh non kineltokah itech Itoka Ikone Dios, para xikmatikah nonkipiah n semijkak yolílistli.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Natuatl, Southeastern Puebla NT (npl) © 2011,
Wycliffe Bible Translators, Inc. All rights reserved.

<https://live.bible.is/bible/NPLWYI/MAT/1>

©2026 Bible for Children, Inc.

www.M1914.org

www.bibleforchildren.org

